



第一四六九冊

四庫全書

●上海古籍出版社

本冊目次

元
初

詩

選(二)
集

清顧嗣立編……………一

卷一四六八世

車全書

上海古籍出版社

欽定四庫全書

集部
元詩選初集卷三十六

欽定四庫全書

元詩選初集卷三十六

庶吉士顧嗣立編

宋逸士无

亦作

无字子虛舊以疎穎字行名世家于晉陵以

兵亂遷吳冒朱姓至元辛巳其父國珍領征東

萬戶秦膺適病瘥无丐以身代許之入海抵竹

島風電交作隨驚濤上下經高麗諸山罹沈疴

瘦骨柴立未嘗廢吟咏歲丁亥中丞王西溪舉

欽定四庫全書

元詩選初集
卷三十六

茂才以奉親辭于虛初侍親西江從歐陽巽齋

學壯歲負氣視富貴若不經目性畏酒處衆多

漠然遇故人輒抵掌劇談絕倒而後已自爲吳

逸士銘曰无生宋景定庚申髫年幹流東西時

雖搶攘而學不忘乙亥世變舊業俱廢遊方遐

覽寸陰靡留谷隱巖棲莫景將迫洪濤隨時以

微吟自怡得瘞骨先人家傍見高曾于地下辛

巳時子虛年八十有一至正庚辰歲也趙子昂

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

膳錄監生臣周勳

稱其詩風流蘊藉皆不經人道語鄧中父云其
大篇如天孫織綃雲經霧緯自出機軸小律則
日光虹彩渾然金璧瓏麗縝密而不豔含鬱靜

婉而不怨其深于唐之變也馮海粟與知最晚
一見其翠寒集亟序而鈐之謂如承恩金馬詔
失意玉環詞落月今誰弔長庚夜自明雖使太
白復生亦當為子虛擊節子虛詩雅秀絕倫宜
為當時名輩所推重也他如吟嘯集一卷雜咏

欽定四庫全書

凡詩選初集
卷三十六

二

古人軼事于文山疊山陸君實韓氏諸作尤有
餘悲焉鄧中父所謂議論諷刺披瀝闡幽又不
當徒以詩論之矣

烏夜啼

露華洗天天墮水燭光燒雲半空紫西施夜醉芙蓉洲
金絲玉簫咽清秋聲鼓鞭月行春雷洞房花夢酣不迴
宮中夜夜啼棲烏美人日日歌吳飲吳王國破歌聲絕
鬼火青螢生碧血千年壞塚耕孤兔烏銜紙錢挂枯樹

腸腰無語滿眼泥曾見吳王歌舞時烏夜啼啼為誰身
前歌樂身後悲空留瑟怨傳相思烏夜啼啼別離

公無渡河

九龍爭珠戰澗底洪濤萬丈涌山起鯉魚張口奮靈齒
含沙射人毒如矢寧登高山莫涉水公無渡河公不可
止河伯娶婦蛟龍宅公無白壁獻河伯恐公身為泣珠
客公無渡河公不然憂公老命沈黃泉公沈黃泉公勿
怨天

欽定四庫全書

凡詩選初集
卷三十六

三

戰城南

漢兵鏖戰城南窟雪深馬僵漢城沒凍拊控絃指斷折
寒膚著鐵膚戰裂軍中七日不火食手殺降人吞熱血
漢懸千金購首級將士銜枚夜深入天愁地黑聲啾啾
鞍下髑髏相對泣偏裨背負八十創破旗裹尸橫道旁
殘卒忍死哭空城露布獨有都護名

公莫舞

公莫舞公莫舞鴻門王氣歸真主何人睚眦赤龍子手

循玉玦目相語令公莫舞公楚舞劍光射日白虹吐人
發殺機天不與撞斗帳中咲並父霸業明朝棄如土

長門怨

金壺咽淚蓮花澀銀箭浮遲渴烏泣知更阿監羅襪水
暝對星河玉階立內官唱漏催曉善芙蓉夢破燕支愁
起來妝罷窺繡戶三十六院殘燭幽建章風傳鳳吹遠
翠華晨幸昭儀館簾櫳不語心自語愁長如天恨天短
紅裙暖踏楊花雪絳綰閒封守宮血鸚鵡空猜警蹕聲
欽定四庫全書

元詩選和集
卷三十六

春寒緊發流蘇結

枯魚過河泣

北溟有鯢散薄崑崙氣吞積石推禹門過河河水枯
跡困泥沙垂涎向海若能濟涓滴無中流有魴鯉不貧
斗升水巨口走噉囁逆遊莫若鮪鯢兮鯢兮爾泣何由
龍伯知決雨津倒天池涿水橫行隨鯢所之揚鱗為謝
魴與鯉還有桃花春漲時

玉津園景鐘歌

炎精不靈火不德赤熒怒帝喪英魄羿弓射日日無光
黃金大鑪破金色天崩七廟移神虛鬼哭長陵一坏土
十二盤傾夜月寒漢銅仙人淚如雨六龍屈曲眠秋草
草根蟪蛄語昏曉紫苔滿地愁古春東風吹得乾坤老
蝸涎烏篆銀泥剝烏啄蒲牢戲左角更殘漏斷聲莫聞
凡難司晨尊鐵鐸

妾薄命

雲母屏珠春水鮫女織綃蟬翼輕比妾妾薄命比君君
欽定四庫全書

元詩選和集
卷三十六

薄情紅綿拭鏡照膽明還疑妾貌非傾城傾城從來有
人妒況復君心不如故故人心尚峯九疑新妾那能無
故時補天天高填海海深不食蓮葯不知妾心

天馬歌

天馬天上龍駒生天漢間兩目夾明月蹄削崑崙山元
氣飲沆瀣躍步超人寰天上玉帝老不騎饑食虎豹曉
出閭闔滅流華安歎忽紫電顏黃道三十六萬里日馳
週天去復還時乎降精渥注中龍性變化終難攀天馬

來瑞何朝化為龍應童謠賜虞仁獸恥在洞龍亦絕跡
歸赤霄風沙豈非無大宛種雖有八極安能超天馬來
雲霧間天廡騷裏鳴龍媒龍媒不鳴鳴萬駟

古硯歌

神媧踏雲補天去遺下一團蒼黑天千年萬年乾不得
長帶盤古青紫煙玉工剖天天化石石內星精有餘魄
瑤光發炯成禹璧海王川后輸玄液帝青呵霧坤倪溼
匣月不開太陰泣破天殘缺無人補一穴絲絲漏春雨
欽定四庫全書

元詩選初集卷三十六

六

空藏老石磨今古補天何時與天語馮海粟云子虛烏城南公其舞至長壽命古硯歌諸詩皆古錦神林魁塚外帶三分風麟洲上飛仙羽羽格力

湖上意

曉過鴛鴦浦無心唱採蓮莫喚蘭橈急為要趁前船

甘露寺放船至瓜洲風

天造西來險山迴北固形斷崖鏗赤日孤柱撐蒼溟此
地何能限長江或有靈然犀夜照浪飲馬曉吞星鐵鎖
沈寥廓樓船沒杳冥乾坤一衣帶吳楚兩鄰亭擊楫人

人倦吹笳處處聞海門沙白白瓜步草猶青夢墮浮家
樂魂遺振振醒計程秋獵地問舍莫漁汀倏忽波清變
息忙網罟停疾颺移蚌室暗雨卷龍庭鼎鬲鼃鼃砧
鉞樹石脰危檣連偏仄高岸失鈴鐸世事無深測生涯
獨未寧愁煩復消釋題咏紀曾經

送鄧侍郎歸江西

光薦

中國衣冠盡孤臣蹈海迴秦思魯連操漢憶賈生才天
遠文星隱江平畫鷁催人尋芳草去雁到故鄉來山色
欽定四庫全書

元詩選初集卷三十六

七

催行擢波聲送客杯身還蘇武節夢泣李陵臺水落蛟
龍縮城空鼓角哀蒼梧雲浩蕩黃屋浪崔嵬夜雨江離
渥春風杜若開祇令少微動慎莫應三台

李翰林墓二首

嗜酒傲明時何因賀監知承恩金馬詔失意玉環詞名
與三閭並身將四皓期匡山有書讀應亦數歸遲
一騎紫鯨去空掩謝山瑩落月今誰弔長庚夜自明乾
坤沈秀氣江水帶哀聲天上多官府文章不可輕

長相思

昨夜相逢處。朦朧春夢中。遶西書不到。莫是戍邊東。

次友人春別

波流雲散碧天空。魚雁沈沈信不通。楊柳昏黃晚。西月

梨花明白夜。東風秋千庭院人。初下春半園林酒。正中

背倚闌干思往事。畫樓魂夢可曾同。

子虛律詩工絕。海棠成。稱此詩中聯。高李

迪評其詩。謂落筆遶遶。于廣揚范。揚外別樹一宗。亦爲論也。

答王子長

欽定四庫全書

元詩選初集
卷三十六

八

病後得書頻。情知未立身。孤燈風雨夜。兩處別離人。乙
鳥歸來社。辛夷開過春。如逢元白問。莫說爲詩貧。

廢宅

金谷花開得幾春。東風吹逐路傍塵。蛙鳴私地爲官地。

燕認新人是故人。珠履賣錢豪客散。玉釵乘傳舞娥顰。

獸環一鎖歌鐘斷。時有鷄聲恐四鄰。

春愁

金庭塵香暗。鳳絃紅繩風。緊閣秋千園。林寂莫無鶯燕。

一段春愁是杜鵑

南峰宴坐僧

空巖槁木形。入定掩松扇。鶻供銜來果。猿看誦罷經。雲霞埋衲重。苔蘚上鞋青。只有樵人識。曾因採茯苓。

銅陵五松山中

想聲聞遠林。流水隔雲深。茅屋在何處。桃花無路尋。身黃松上鼠。頭白竹間禽。應有仙家住。避秦來至今。

山中書事

欽定四庫全書

元詩選初集
卷三十六

九

學道忘雲霄。自然塵念拋。雨寬琴上線。風響樹間瓢。果熟供猿食。松高任鶴巢。看他陳處士。終被華山招。

金陵送倪水西之江陵

楚江江上莫雲東。萬里春波去意濃。桃葉歌殘。林陵酒。梨花夢斷。景陽鐘。沅湘水落。瓊琤合。已蜀山來。錦繡重。四雁峰前。見歸雁。相思何處。再相逢。

華益峰道人

十步九巖。壑結茅無四鄰。山中春雨。過水上落花。新採

藥逢毛女焚香對羽人時攜一瓢酒醉著去朝真

寄王子長

薄宦仍依楚長閑傍酒墟客愁三月盡春夢五更初吟
卷看花掩行牀並竹鋪江湖有佳句知我每相於

春閨

閒畫金釵記遠人杜鵑啼血又殘春琵琶絃上無多字
近日相思彈不真

送僧還天目

欽定四庫全書

元詩選初集
卷三十六

十

瓶錫亂峰西藤蘿書掩扉山藏翠微寺僧向白雲歸梵
寂風沈磬禪深雪到衣想曾行過處猿鳥共忘機

寄柳陽廖有大

遠宦身安不題書淚幾行千山萬水路一日九迴腸題
鵲懷春語蘿蕪入夢香王孫歸未得歸得早還鄉

沙門島

孤嶼壓滄海風濤直下危鯨人依蜃市魚女祭龍祠月
黑犀牛鬪波紅螭螭垂登臨有奇觀感慨但言詩

牆頭杏花

紅杏西鄰樹過牆無數花相煩問春色端的屬誰家

墨梅寄因上人

夢覺霜林墮月眼明野水浮枝橫玉不吹春去斷縈閒
寓相思

革

風波長不定浪跡在天涯莫起身輕薄前生是柳花

山中僧

欽定四庫全書

元詩選初集
卷三十六

十

雪頂霜眉齒半稀跣趺苔石看雲歸山童埽葉鶴飛起
狼藉松花滿衲衣

唐人四馬卷四首

金銜初脫齒新齊蹄玉無聲赤汗微昨日杏園春宴罷
滿身紅雨帶花歸

簇仗回來玉勒閒黃門牽向落花間君王不愛長楊獵
嘶入春風十二閑

霸蹄踏月早朝回尾弄紅絲拂紫苔日暖龍池初洗罷

尚方閒進御鞍來

太僕新調試錦韉九重日色照連錢春來興處池邊路
偏稱宮中軟玉鞭

宮人斜

步搖明月冷無光骨掩春泥草亦芳豔魄不隨紅粉盡
化為蝴蝶舞昭陽

揀

已峽聞聲愁斷腸冷泉照影綠陰涼藤根亂雨領兒過
欽定四庫全書

元好道和集
卷三十六

上

樹隴斜陽拾燕忙酸果去尋幽洞遠攀蘿來撼落花香
空山月暗無人見啼入白雲深處藏

鶴

毛骨珊珊白雪清千年世上頂丹成晴飛碧落秋空闊
露立瑤臺夜月明仙島雲深歸有信天壇花落步無聲
時來華表何人識依舊翻身上玉京

寄題無照西園

近地樓禪室祇園草木薰蕕香花洞雨衣潤石闌雲松

吹和琴雜茶烟到樹分遙知道林輩來此論玄文

揚州即事

玉壘開方面金湯控上游連營驃騎宅重折雁行樓疆
弩虛空發飛橋日夜浮煙生烽燧地草死虎狼秋此處
兵威震當時國步憂六年襄郡守三策蓋臣謀大將深
圍陷長江萬里休兩淮先按堵孤注獨橫籌破竹纔乘
勢聞風已置郵乾坤機軸轉海嶽版圖收春夢山堂柳
波通汴水鷗平坡南下馬遠渡北來舟無復瓊花夢猶
欽定四庫全書

元好道和集
卷三十六

上

餘芍藥愁塵埃何豎子還擁黑貂裘

玉環病齒圖

一點春寒入顰犀海棠花下獨顰眉內廚幾日無宣喚
不問君王索荔枝

杜工部祠

老病思明主乾坤入苦吟秋風茅屋句春日杜鵑心詩
史孤忠在文星萬古沈孤應憶李白到海去相尋

山中

半嶺松聲樵客分一溪春草鹿成羣採芝人入翠微去
丹竈石壇空白雲

湘竹杖寄無住

采向舜妃江廟前得來賈客木蘭船老宜泉石搆慵態
吟稱煙霞倚瘦肩宴生夜和金錫憩經行春卓紫苔穿
知師道價神龍護莫漫騰空去九天

老將

殺氣消磨暗鐵衣夜看太白劍無輝舊時麾下誰相問
欽定四庫全書

元詩選初集
卷三十六

半去封侯半不歸

老馬

瘦蹄生入玉門關病放沙場戰骨閒歸甌殘芻廐有淚
將軍頭白戍天山

老農

倩拙背痒坐深邨愛說前朝賜帛恩縣帖不來尋社長
自攤牛契教玄孫

老牛

草繩穿鼻繫柴扉殘喘無人問是非春雨一聲鞭不動
夕陽空送牧兒歸

如鏡伐竹架過牆蒲菊斷竹挿地復生枝葉無住

序曰瑞竹余以詩贈之

為引寒藤延晚翠試裁碧玉動秋根鳳稍依舊生虛巖
龍箨將相添達孫林月過庭窺斷影茶煙潤色到啼痕
湯休麗藻題還徧貝葉應多此處繡

無題

欽定四庫全書

元詩選初集
卷三十六

花影玲瓏滿繡牀自調綠綺背紅窗惆悵佳期學絃線
七條哀怨不成雙

寄衣曲

征衣須早寄遙憶臺砧寒莫訝啼痕少相思淚已乾

贈竺鍊師

姓疑乾竺古先生霞外幽棲近四明履斗星移冠劍影
步虛風引珮環聲藥宮夜喚青鸞降花洞朝騎白鹿行
長使芝童看藥竈為耽瓊液過蓬瀛鶴傳仙語歸華表

魚寄丹書上赤城怪石醉中拈筆畫險巖靜裏按圖爭
玉桃竊憤懶留種瑤草尋多盡識名縮地日攜龍作杖
卧雲時約鳳吹笙海邊定與安期遇關上當逢尹喜迎
我本翠寒山道士相隨便欲採黃精

贈日東僧

肄業重溟外隨緣大夏中錫飛鯨海靜杯渡屢棲空音
信千峰隔華夸一水通秋深故國夢應與逝川東

江南曲

欽定四庫全書

元詩選初集
卷三十六

七

遙天碧蕩蕩遠草綠悒悒并作相思海春來一樣深

蒼蘆觀感瓊花

后土祠南喬坤維婉室家國封嚴典禮宮祀尚褒嘉不
是神靈異焉能眷邇應須有玉女到此賞瓊葩麗服
從空降明妝倚日斜同揮五雲扇共駐七香車月姊差
調粉風姨罷散花青童迴降節金母屏形霞故事唐時
威佳名數代誇塵根雖下界天意在中華雪讓瓏璁巧
水銷刻鏤假人間惟獨爾地上更何加萬萼珠零落羣

芳避豔邪玫瑰誠執御芍藥等泥沙聖運俄驚輟兵強
忽肆擊鉞訛難核實真履遂聲牙雷雨還驚蟄滑藏重
發芽旁枝微舊幄新葉漫榮蓂尤品終蕪沒珍粦逐水
涯兩朝成草莽九廟雜龍蛇古殿蘭旗暗暗殘桂燎賒
薜顏愁想像珠樹絕驕奢寂寞無雙譽徘徊但自嗟八
仙聊免俗消得寶蘭遮

送母丘秀才自黔中歸益州

黔南萬里地劔外去寧親蜀魄花成血山魈樹隱身竹

欽定四庫全書

元詩選初集
卷三十六

七

枝歌峽夜椰子醉蠻春歸訪王孫宅彈琴有故人

寄山中僧

名山舊隱巖壑秀精舍蕭閒殿閣虛像禮旃檀千古佛
經翻貝葉五天書獸依草座跏趺後禽下花臺施食餘
空翠溼衣橫即果紺泉澄盪涌芙蓉鷲峰夢遶雲中寺
底苑身棲物外居清梵夜迴松月冷孤禪晝起栢煙疎
曙鐘寒韻侵虛籟午供春香入野蕪道念有時憐老病
塵緣無計問真如遠公若許來同社陶令何妨去結廬

便向東林傍尊宿菩提從此發心初

遊三茅華陽諸洞四首

冠帶寒星帳剪霞步虛去宴玉宸家醉歸却跨青鸞下
衝落碧桃無數花

玉案清香徹夜焚紫煙成葢覆茅君數聲金磬秋壇霽
敲碎遙天一縷雲

書滿琅函秘不開雲窓霧閣鎖青苔門前白鹿將麈過
定是避秦人引來

欽定四庫全書

元詩選初集
卷三十六

九

淡染雲霞五色衣杏壇朝罷對花披洞中養隻千年鶴
長被仙人來借騎

杭州

錦繡波翻太液空一池寒雨落芙蓉內前尚有中官住
却聽西蕃寺裏鐘

羅噴曲

玉井荷花碧中藏偶意深綠房千萬箇多少可憐心

淵明

心寄羲皇上生逢晉宋時風流千古意只有杜鵑知

馬塍

桃李宮城近偏承雨露恩至今耕種地一半作花園

蘇堤

漢苑花何處唐陵栢已空相逢大堤柳令我憶蘇公

玉津園

御愛花無主長生樹幾時青青輦路草盡屬牧羊兒

景靈宮

欽定四庫全書

元詩選初集
卷三十六

十九

孟月祠原廟都人憶故宮當年駕幸處喬木烏呼風

杭州

山勢猶龍鳳行宮已劫灰北人偏悵望曾見汴京來

建業懷古

離居迫馳道晨往內西門屏營無顧問偶逢路人言昔
有六代宮今為百姓園阿閭餘故基層城但頽垣金鋪
失嚴邃玉座變荒原陳昏早墮滅隋奢亟崩奔樂極終
復悲替興相覆翻結綺徒構恨臨春工鎖寃貴嬪豔亦

無麗華皆不存高垣烏鳥集沃壤蓬蒿繁鷄如拜月魄
蝶化尋芳魂草遺舊裙色花泣新啼痕空餘龍津水流
入魚藻渾涵府澤在尚感陽和恩孰知涓滴微曾悅
萬乘尊坐令芻蕘賤袂飲汙其源念彼未秦地凄然難
具論寵深乃見辱涕下還成吞

海上自之罘至成山覽秦皇漢武遺蹟

霧氣沈坤極濤聲撼北溟雲霞五色水丹碧萬重屏脈
絡華粲秀并吞宇宙青石梁橫地戶洞構壓風霆碑碣
欽定四庫全書

元詩選初集
卷三十六

三

紛鳴鼓滿洶疾建瓴提封思霸主巡狩陟遐洞黔首何
多難皇居不少寧山驅麟避數海塞屢遷庭鹵簿周荒
服鱗蟲畏典刑天吳驚象駕精衛注鑿鈴浪激秦嬴怒
崖崩漢武靈空悲祖龍死但覺鮑魚腥采藥終驕妄求
仙竟杳冥惟聞傳二世無復享千齡古昔飛騰客能存
變化形解交烏兔隨定翳鳳凰銜玉檢微藏百金丹別
有經東華司竿歷南岳攷攷銘億劫開玄閭三宮護紫
局詹仁斯可冀淫暴詎堪聽漫致安期爲虛邀阿母輶

昆池波鼎沸阿閭土花零夜雨蛇升樹春潮蛤上汀茂
陵迷亂草禁苑暗流螢簪侈如飄電危亡若炳星明君
當至治方士或來停火宅休生棘情河易轉革願逢清
靜化昌運幾時丁

憶舊寄金陵馮善之

憶昔江東日離居託孟鄴儒家見君好談席偶情親南
斗文昌近西山爽氣新驪珠驚俗眼瓊樹倚芳晨大雅
今重覩奇才豈易倫珊瑚生海網汗血出天津句滿難
欽定四庫全書

元詩選初集
卷三十六

三

林賈名齊雁塔人傳經心入聖用筆意凝神射策應先
手藏環定後身巨流思待濟吾道詎當伸落魄傷遲邁
依棲笑隱淪三年爲倦翼萬里作窮鱗伏枕思霜橘歸
溪戀紫茸鴻稀石城信魚隔太湖濱故宅閒多草空船
獨採蘋夜吟蛩蟋蟀莫景歎麒麟老恐襟期斷悲懷轍
跡陳舊峰還似洛淮水想猶秦勝地登臨數殊鄉夢寐
頻潮吞李白月花動謝安春有興須相覓無聊漫自呻
休疑交契濶尚覺膽輪困遠物那堪贈佳期欲細詢勞

歌因奉寄題罷更沾巾

詠石得天字

肢脈崑崙析胚渾混沌先靈分玄鳥峙秀聚景雲鮮覆
壓風雷密技撐宇宙穿峻嶒敵篠露歷棘羅煙葉業
棲危壁磳磳過瘦涓雨攻繩眼斷浪擊彈窩圓筆架珊
瑚豎屏圍瑪瑙偏骨攢撐鬼棘脊凸老蛟踰劔卓空蒼
色牙森紫翠顛醜宜鑄烏篆則可利龍泉怪漬潮紋溼
頑和地軸連貫當稍快帶薜荔葉縷磊砢蛇身縮崩

欽定四庫全書

元詩選初集
卷三十六

主

呼鳳勢偏薛促題字處藤絡倚筇邊碎磳鋪文貝尖峰
斫黛蓮實深膏乳滴甕潤土花沿儼若峨冠者昂如峻
士焉磴危敗木展磯滑怯苔憑移恐嵐光動捫嗔野蔓
牽衝滿聲類磬謝瀑韻成絃硬性解斤鑿嵌形欠畫傳
鼓歌傷莫續鼎句數難聯砥礪誠由著磨礱學及遷畜
奇希抱璞鍊餌說飛仙寸勢垂千仞鬼胎結幾年巖脾
知產玉峽束見奔川織女支機穩山人作枕便隕星沈
戰域敵火出魚船異或稱羊化疑應訝虎眠龜埋遺碣

下麟仆古塋前屹立中流壯平施大礎堅懷沙嗟放逐
凝魄惜嬋娟德必穹碑紀詞當巨硯研險思經濫頌功
擬勒燕然嵩岱歸諸掌蓬瀛寄一拳不須填碧海直欲
補青天

答無住和太初韻見寄

寶地人來少揜陰自晚晴片雲依石潤孤磬出花清竹
筵分泉細檀煙上穩輕勒銘留水寺應供宿江城適楚
溝喧定歸吳雪滯行雨苔粘凍屐廓葉覆閒枰琴為蛇

欽定四庫全書

元詩選初集
卷三十六

主

紋買書因鳥跡評服高無佛祖詩癖有山兄句妙唐風
在心空漢月明畫禪休樹影夜梵雜松聲夏減遊方興
秋添住岳情何時修白業去結嬾殘盟

上馮集賢

忠言如海膽如山趣入金門虎豹間玉筍曉班聯鷺序
紫檀春殿對龍顏氣凌百辟星辰動賦就三都造化閒
豈向長沙淹賈傳淳風會見筆追還

大都府
紫微殿

送陳行之之信州推官

漢守曾懸榻家聲復世綸贊廉推雅士列郡重嘉賓
昭代詳刊誠賢僚體聖仁袴襦憐故老狂行念寬人英幹
登時望文華異等倫固宜膺寵渥豈但活罷民江左名
藩舊風流佐幕新平反須有頌剛決看如神郝鑒初榮
養黃香早締姻錦還鄉已畫綵戲室俄春自補尋山屐
誰親塾雨巾拊循恩易洽煦嫗俗當曲動陽關疊暮
移祖帳陳未能忘手握何得更情親羨爾丹霄貴悲余
白髮貧尚期金鼎藥摘客素衣塵巖壑將幽賞煙霞欲
欽定四庫全書
元詩選初集
卷三十六
主五

寄翰苑所知

多士當文治明良際盛時騷壇先佩印策陣已褰旗西
樞蹄千里南溟翼四垂疾雷天地破勁嶽鬼神移學過
三都賦神超七步詩陰何須大賞鮑謝只平欺尺璧光
難掩華鐘響發遲人遊丹桂窟鳳鳴碧梧枝漢室方虛
席枚乘復擅詞數承恩詔見趨赴重官儀黃閣登清要

蒼生患舊疾星辰侵履舄桃李傍階墀珂里豪家逐銅
駝樂部隨行歌金腰褭醉舞玉參差杜曲花偏滿蓬壺
酒不辭弓開射熊館劍倚化龍陂秀彥居同衆軒車出
共馳侯門相難還寒素獨吁嗟塵榻應容下仙舟可待
追亦慚才莫遠終負志難衰攀附羞蘿葛傍徨向路岐
未酬題柱興徒抱練絲悲幽谷音猶涇鹽車力尚卑泥
塗淹駢駢荆棘困黃鸝睨脫還求交騰驥却避羈愁吟
長飲伴閒夢矮牀知縫掖今誰貴乘桴任所之短章非
欽定四庫全書
元詩選初集
卷三十六
主五

善頌聊以展吾私

尋貞白先生舊居

百折歷雲嶠千花通水隈寒藤垂到地怪石立當門白
壤鍊丹赤清池磨劍渾曾來謁經處片雨滴苔痕

己亥秋淮南餓客中懷故里朋遊寄之

行李依吳榜飄蓬更楚鄉山川歲云莫風雨夜何長此
地從兵革斯民復旱蝗薦飢懷賑粟久渴望攜漿船婦
爭遺穗稚童拾棄芒哭喪多蒙募征旅少贏糧豈有災